

London, 17.3.28

Caro Praesidente,

Heri me vide Gerald MOORE, cum que nos loque de vario quaestione interlinguistico. Et omne die me vide Prof. W. E. COLLINSON, Universitate de Liverpool que habe cultura multo vasto. Illo doce Philologia indo-europaeo et Grammatica historico de lingua teutonico. ~~Illo expresso~~

Me explica ad illo principios de Academia et lauda Latino sine Flexione, ita ut illo preca Vos inscribe illo ut socio de Academia. Illo cognosce bene et Esperanto et publica tractata "LA HOMA LINGVO", ubi in modo populare expone vario quaestione de linguistica comparato.

Suo addirectione es

Prof. W. E. COLLINSON

Liverpool University

L I V E R P O O L (Anglia)

Me preca que Vos inscribe et

Prof. B. METAXAS

Hotel Manchester

1, rue de Grammont, 1

P A R I S, II-e.

Isto ultimo es de origine graeco et cognosce bene, ultra graeco, lingua russo et georgiano (de Caucaso).

Me gaude que appropinque die in que me i vide Vos et

saluta Vos in modo maxime respectuoso.

G. KOLOVRAT

5, avenue Pasteur, 5

P A R I S

P.S. Prof. COLLIERSON die que Inerlingua place ad
illo multo.

[Faint, mostly illegible text, possibly bleed-through from the reverse side of the page. A large handwritten signature or scribble is present in the upper right quadrant.]